

Informativni dan na Visokoj školi eMPIRICA

# Studirajte sa zadovoljstvom

Dvojna diploma, industrijski certifikati i zaposlenje odmah nakon diplomiranja

Pripremila: Maja Spahić

**V**isoka škola računarstva i poslovnih komunikacija eMPIRICA u Brčko distriktu BiH je 16.06.2012. godine uspješno organizovala Informativni dan za buduće studente i njihove roditelje. Tim povodom smo razgovarali sa direktorom Visoke škole eMPIRICA, mr. sci. Muhidinom Mujačićem.

Visoka škola eMPIRICA počela je sa radom u januaru ove godine, kao rezultat poslovne saradnje osnivača, Fondacije za lokalne poslovne inicijative Flopi iz Brčko distrikta BiH i Visoke škole za poslovne vede iz Ljubljane. „Na ovaj način smo povezali sve ključne karike u lancu kreiranja i izvođenja kvalitetnog studijskog programa u oblasti inženjerstva i informatike, a to su generička akademska znanja, potrebne vještine za IT tržište, te iskustva EU u oblasti visokoškolskog obrazovanja“, pojasnio je mr. Mujačić. eMPIRICA nudi studiranje na dva studijska programa i to: Inženjerska informatika i Poslovna informatika. Prijave prvih studenata su već zaprimili, a nastava za će početi u oktobru, za akademsku 2012./13. godinu.

**Student:** Šta izdvaja vašu Visoku školu od ostalih sličnih institucija?

**Mujačić:** Vjerujemo da su najvažnije pretpostavke dvojna diploma, industrijski certifikati i zaposlenje odmah nakon diplomiranja. Naš studijski program Poslovne informatike je jedinstven u BiH jer studentima, nakon završetka studija, nudi sticanje dvojne diplome, diplome Visoke škole eMPIRICA i diplome Visoke škole za poslovne vede iz Ljubljane (Ljubljana

## eMPIRICA nudi brojne pogodnosti

Visoka škola računarstva i poslovnih komunikacija eMPIRICA je jedina visokoškolska institucija u oblasti ICT edukacije koja svojim studentima omogućava da u okviru samog studijskog programa besplatno pohađaju Cisco akademiju mrežnih tehnologija. Polaganjem ispita na odgovarajućim predmetima, oni ujedno polažu i ispite na Cisco akademiji, i time se spremaju za dobijanje Cisco certifikata, jednog od najcjenjenijih industrijskih certifikata u svijetu.

Visoka škola eMPIRICA je za svoje buduće studente obezbijedila i posebne finansijske pogodnosti. Naime, studentima studijskog programa Poslovna informatika koji odaberu opciju dvojne diplome, eMPIRICA finansira troškove upisnine za dvojni diplomu na Ljubljana School of Business, koji iznose 290 eura.

School of Business). Zaposlenje odmah nakon diplomiranja je rezultat trajne potražnje za informatičkim stručnjacima, čemu doprinosimo kroz zaista inovativne nastavne planove i programe koji studentima omogućavaju ne samo sticanje zvanja, nego i sticanje vrlo upotrebljivih i konkurentnih znanja i vještina.

**Student:** Osim studija, vaša visokoškolska ustanova nudi i druge sadržaje. O čemu je riječ?

**Mujačić:** U okviru Visoke škole računarstva i poslovnih komunikacija eMPIRICA djeluju dva centra: Akademija cjeloživotnog učenja eMPIRICA i Centar za obrazovanje na daljinu. Akademija, koja slijedi principe koje



U okviru Visoke škole računarstva i poslovnih komunikacija eMPIRICA djeluju dva centra: Akademija cjeloživotnog učenja eMPIRICA i Centar za obrazovanje na daljinu

Evropa prepoznaje kroz LLL (Life-Long-Learning) inicijativu, nudi za građanstvo visokoprofesionalnu edukaciju iz oblasti IT tehnologija, te razvoja poslovno-komunikacijskih vještina, a provodimo je saradnji sa renomiranom edukacijskom kućom HalPet iz Zagreba. Centar za obrazovanje na daljinu,



eMPIRICA nudi studiranje na dva studijska programa i to: Inženjerska informatika Poslovna informatika

koji se bavi razvojem sadržaja za eUčenje i izvođenjem studijskih programa na daljinu, je mjesto gdje ćemo na razvoju eSadržaja angažovati i naše najbolje studente, te im na taj način omogućiti i finansijsku podršku.

**Student:** Nedavno ste organizovali i informativne dane za buduće studente. Možete li nam reći nešto više o tome.

**Mujačić:** Informativne dane smo organizovali u dva navrata: 10.05. i 16.06. 2012. u prostorijama naše škole. Namjera nam je bila da pružimo potencijalnim studentima i njihovim roditeljima priliku da razgledaju učionice i ICT laboratorije koje će studenti koristiti tokom studija, da se upoznaju sa nastavnim i administrativnim osobljem te da dobiju odgovore na sva svoja pitanja vezana za rad naše škole i organizovanje studija. Veoma smo zadovoljni odazivom.